

**BOSNA I HERCEGOVINA
FEDERACIJA BOSNE I HERCEGOVINE
SREDNJOBOSANSKI KANTON/KANTON SREDIŠNJA BOSNA
OPĆINA FOJNICA
OPĆINSKI NAČELNIK**

Broj: 02-11-185-3/23
Fojnica: 15.02.2024.

Na osnovu člana 64. Stav 1. tačka b), člana 70. stav 1. 3. i 6. zakona o javnim nabavkama BiH („Službeni glasnik BiH“, broj 39/14), člana 39. Statuta Općine Fojnica („Službene novine Općine Fojnica“, broj: 4/08), a u vezi s preporukom Komisije za javne nabavke broj: 02-11-185-2/24 od 14.02.2024. godine, načelnik Općine Fojnica, **d o n o s i:**

**ODLUKU
o izboru najpovoljnijeg ponuđača
„Nabavka goriva i maziva za službena vozila općine Fojnica“**

Član 1.

Prihvata se Preporuka Komisije za javne nabavke broj: 02-11-185-2/24 od 14.02.2024. godine i Ugovor za javnu nabavku: Nabavka goriva i maziva za službena vozila općine Fojnica, dodjeljuje se izabranom ponuđaču „HIFA PETROL“ doo Sarajevo, ponuda broj: JN-408/24 od 26.01.2024. godine za ponudenu cijenu od 16.119,00 KM, bez PDV-a, odnosno 18.859,23 KM sa PDV-om, kao najbolje ocjenjenom ponuđaču nakon provedene e-aukcije.

Član 2.

- (1) Prijedlog Ugovora o nabavci dostavit će se na potpis izabranom ponuđaču po isteku roka od 15 (petnaest) dana, računajući od dana kada je ponuđač obaviješten o izboru najpovoljnije ponude.
- (2) Izabrani ponuđač je dužan dostaviti dokaze o kvalificiranosti u roku od 5 (pet) dana nakon što svi ponuđači budu obaviješteni od strane ugovornog organa o rezultatima postupka nabavke, te obrazac za cijenu ponude sa umanjenjem cijene nakon provedene e-aukcije.

Član 3.

Za izvršenje ove odluke zadužuje se i ovlašćuje Služba za privredu finansije i bužet.

Član 4.

Ova odluka objavit će se na web-stranici Općine Fojnica, www.fojnica.ba, istovremeno s upućivanjem iste ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

Član 5.

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav (2) Zakona o javnim nabavkama.

Obrazloženje

Postupak javne nabavke – roba goriva i maziva za potrebe službenih vozila Općine Fojnica za 2024. godinu, proveden je putem konkurentskog zahtjeva za dostavu ponuda broj: 02-11-185/24 od 26.01.2024. godine sa namjerom provođenja e-aukcije.

Obavijest o javnoj nabavci broj: 546-7-1-1-3-3/24 objavljena je na Portalu javnih nabavki 26.01.2024. godine, a i tenderska dokumentacija je objavljena na portalu javnih nabavki.

Komisija za javne nabavke Općine Fojnica imenovana Rješenjem općinskog načelnika broj: 02-11-129/24 od 17.01.2024. godine po završetku E-aukcije, dostavila je općinskom načelniku zapisnik o pregledu i ocjeni ponuda broj: 02-11-185-2/24 sa preporukom o izboru najpovoljnijeg ponuđača za nabavku roba goriva i maziva za potrebe službenih vozila Općine Fojnica za 2024. godinu.

U postupku po dostavljanju zapisnika konstatovano je, da je Komisija za javne nabavke blagovremeno i ispravno izvršila javno otvaranje ponuda i ocjenu prispjelih ponuda, u kojima je utvrđeno sljedeće:

- da je ukupan broj pristiglih ponuda 4 (četiri)
- da su blagovremeno zaprimljene 4 (četiri) ponude
- da nije bilo neblagovremeno zaprimljenih ponuda
- da je ponuda Orman doo Kiseljak neprihvatljiva
- da su ponude ponuđača „HIFA PETROL“ doo Sarajevo, HoldINA doo Sarajevo i „BUCOMERC“ doo Kiseljak, prihvatljive ponude.

Ponuđač Orman doo Kiseljak nije dostavio ponudu u skladu sa odredbama tačke 5.2. tenderske dokumentacije u postupku javne nabavke broj: 02-11-185/24 od 26.01.2024. godine. Procijenjena vrijednost javne nabavke (bez uključenog PDV-a): 17.000,00KM.

Vrijednost ponude ponuđača Orman doo Kiseljak je 17.282,50 KM bez PDV-a što predstavlja veću vrijednost od raspoloživih (osiguranih) sredstava za predmetnu nabavku. Obzirom da je procijenjena vrijednost javne nabavke 17.000,00 KM bez PDV-a, ponuda je neprihvatljiva i kao takva se odbacuje.

U postupku donošenja ove Odluke, posebno su cijenjene činjenice da je Komisija, pravilno i potpuno, izvršila ocjenu kvalificiranosti ponuđača, shodno kriterijima iz Tenderske dokumentacije, te kroz sistem „E-nabavke“ provela „e-Aukciju,“ u skladu sa Pravilnikom o uslovima i načinu korištenja e-Aukcije od 21.07.2016.godine.

E-aukcija je održana dana 14.02.2024 godine u 14:30 sati.

Iz izvještaja o toku i završetku “e-aukcije” koji je kreiran 14.02.2024.godine u 14:51 sati jasno je vidljivo :

POČETNA RANG LISTA PONUĐAČA KOJI SU POZVANI DA UČESTVUJU U E-AUKCIJI:

R/B	Naziv/ime ponuđača	Ponuđena cijena bez PDV-a	Ponuđeni popust
1.	„HoldINA“ doo Sarajevo	17.285,00	1,7%
2.	„Hifa Petrol“ doo Sarajevo	16.662,50	/
3.	„Bucomerc“ doo Kiseljak	16.972,50	/

KONAČNA RANG LISTA PONUĐAČA KOJI SU UČESTVOVALI U E-AUKCIJI:

R.b.	Naziv ponuđača	IDB/JIB	Konačna cijena u KM bez PDV-a	Umanjenje cijene	Rang
1.	„Hifa Petrol“ doo Sarajevo	4200999090005	16.119,00	3,26 %**	1
2.	„Bucomerc“ doo Kiseljak	4236016990009	16.120,00	5,02 %**	2
3.	„HoldINA“ doo Sarajevo	420006820001	16.991,15	0%	3

**Označava približnu vrijednost procentualnog umanjenja nakon zaokruživanja na dvije decimale

U postupku ocjene provedenog postupka, Općinski načelnik, nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku.

Naime, u postupku je ocijenjeno, da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.

Izabrani ponuđač je izabran primjenjujući kriterij „najniža cijena“.

Iz navedenih razloga, primjenom člana 64. stava (1) tačka (b) Zakona o javnim nabavkama, odlučeno je kao u dispozitivu.

POUKA O PRAVNOM LIJEKU

Protiv ovog rješenja može se izjaviti žalba Uredu za razmatranje žalbi BiH putem Ugovornog organa u pisanoj formi najkasnije u roku od 5 dana od prijema ovog rješenja. Naknada za žalbu je propisana članom 108. Zakona o javnim nabavkama BiH. Žalba se podnosi u dovoljnom broju primjeraka, koji ne može biti manji od tri.

DOSTAVITI:
- Ponuđačima
- Arhiv

OPĆINSKI NAČELNIK
Sabahudin Klisura dipl.ing

